

26 IANUARIE

**PARACLISUL
SF. REGE
DAVID IV
ZIDITORUL
AL GEORGIEI**



PARACLISIERUL PE IANUARIE-GG



პარაკლისი სავედრებელი წმიდისა კეთილმსახურისა მეფისა საქართველოდსა დავით აღმაშენებლისად

მღდელმან: კურთხეულ არს ღმერთი ჩუენი, ყოვლადვე, აწ და მარადის და უკუნითი უკუნისამდე.

მკითხველმან: ამინ. დიდებაჲ შენდა, ღმერთო ჩუენო, დიდებაჲ შენდა.

მეუფეო ზეცათაო, ნუგეშინისმცემელო, სულო ჭეშმარიტებისაო, რომელი ყოველგან ხარ და ყოველსავე აღავსებ მადლითა შენითა, საუნჯეო კეთილთაო, მომნიჭებელო ცხოვრებისაო, მოვედ და დაემკვდრე ჩუენ შორის და წმიდა-მყვენ ჩუენ ყოვლისაგან ბიწისა და აცხოვნენ, სახიერო სულნი ჩუენნი.

წმიდაო ღმერთო, წმიდაო ძლიერო, წმიდაო უკუდაო, შეგჳწყალენ ჩუენ (3-გზის).

დიდებაჲ მამასა და ძესა და წმიდასა სულსა აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგჳწყალენ ჩუენ; უფალო, გჳჳსნენ და გჳლხინე ცოდვათა ჩუენთაგან; მეუფეო, შეგჳნდვენ უსჯულოებანი ჩუენნი; წმიდაო, მოიხილე და განკურნენ უძლურებანი ჩუენნი სახელისა შენისათჳს.

უფალო, შეგჳწყალენ (3-გზის).

დიდებაჲ მამასა და ძესა და წმიდასა სულსა აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევაჲ შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისად მომეც ჩუენ დღეს და

მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყვანებ ჩუენ განსაცდელსა, არამედ მივსნენ ჩუენ ბოროტისაგან, ამინ.

მღდელმან: რამეთუ შენი არს სუფევად, ძალი და დიდებაჲ აწ და მარადის და უკუნითი უკუნისამდე.

მგალობელთა: ამინ.

უფალო შეგვწყალებნ (12-გზის).

დიდებაჲ მამასა და ძესა და წმიდასა სულსა აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა, ღმერთსა.

მოვედით, თაყუანის-ვსცეთ და შეუვრდეთ ქრისტესა, მეუფესა ჩუენსა, ღმერთსა.

მოვედით, თაყუანის-ვსცეთ და შეუვრდეთ თვთ ქრისტესა, მეუფესა და ღმერთსა ჩუენსა.

მკითხველმან: უფალო, შეისმინე ლოცვისა ჩემისაჲ, ყურად-იღე ვედრებაჲ ჩემი ჭეშმარიტებითა შენითა, შეისმინე ჩემი სიმართლითა შენითა; და ნუ შეხუალ საშჯელსა მონისა შენისა თანა, რამეთუ არა განმართლდეს შენ წინაშე ყოველი ცხოველი. რამეთუ დევნა მტერმან სული ჩემი და დაამდაბლა ქუეყანად ცხორებაჲ ჩემი, დამსუა მე ბნელსა შინა, ვითარცა მკუდარი საუკუნოდ. და მოეწყინა ჩემ თანა სულსა ჩემსა; და ჩემ შორის შემიდრწუნდა გული ჩემი. მოვივსენე დღეთა პირველთაჲ და ვიწურთიდ ყოველთა მიმართ საქმეთა შენთა და ქმნულსა ჳელთა შენთასა ვზრახევდ. განვიპყრენ შენდამი ჳელნი ჩემნი, და სული ჩემი ვითარცა ქუეყანად ურწყული შენდამი. მსთუად შეისმინე ჩემი უფალო, რამეთუ მოაკლდა სულსა ჩემსა; ნუ გარემიიქცევ პირსა შენსა ჩემგან, და ვემსგავსო მათ, რომელნი შთავლენან მღვმესა. მასმინე მე განთიად წყალობაჲ შენი, რამეთუ მე შენ გესავ; მაუწყე მე, უფალო, გზად, რომელსაცა ვიდოდი, რამეთუ შენდამი

აღვიღე სული ჩემი. მიხსენ მე მტერთა ჩემთაგან, უფალო, რამეთუ შენ შეგვედრე. მასწავე მე, რადთა ვყო ნებად შენი, რამეთუ შენ ხარ ღმერთი ჩემი, სული შენი სახიერი მიძლოდენ მე ქუეყანასა წრფელსა. სახელისა შენისათჳს, უფალო, მაცხოვნო მე და სიმართლითა შენითა გამოიყვანო ჭირისაგან სული ჩემი. და წყალობითა შენითა მოსრნე მტერნი ჩემნი და წარწყმიდნე ყოველნი მაჭირვებელნი სულისა ჩემისანი, რამეთუ მე მონად შენი ვარ.

დიდებად მამასა და ძესა და წმიდასა სულსა აწ და მარადის და უკუნითი უკუნისამდე, ამინ.

ალილუია, ალილუია, ალილუია, დიდებად შენდა ღმერთო;
ალილუია, ალილუია, ალილუია, დიდებად შენდა ღმერთო;
ალილუია, ალილუია, ალილუია, დიდებად შენდა ღმერთო ჩუენო,
დიდებად შენდა.

დიაკონმან: ღმერთი უფალი და გამოგჴნდა ჩუენ, კურთხეულ არს მომავალი სახელითა უფლისადათა.

მგალობელთა: ღმერთი უფალი და გამოგჴნდა ჩუენ, კურთხეულ არს მომავალი სახელითა უფლისადათა.

დიაკონმან: *მუხლი ა.* აუვარებდით უფალსა, რამეთუ კეთილ, რამეთუ უკუნისამდე არს წყალობად მისი.

მგალობელთა: ღმერთი უფალი და გამოგჴნდა ჩუენ, კურთხეულ არს მომავალი სახელითა უფლისადათა.

დიაკონმან: *მუხლი ბ.* ყოველი თესლები გარე მომადგა მე, და სახელითა უფლისადათა ვერეოდე მათ.

მგალობელთა: ღმერთი უფალი და გამოგჴნდა ჩუენ, კურთხეულ არს მომავალი სახელითა უფლისადათა.

დიაკონმან: *მუხლი გ.* არა მოვკვდე, არამედ ვცხოვნდე, და განვთქუნე მე საქმენი უფლისანი.

მგალობელთა: ღმერთი უფალი და გამოგზნდა ჩუენ, კურთხეულ არს მომავალი სახელითა უფლისადათა.

დიაკონმან: *მუხლი დ.* ლოდი, რომელ შეურაცხყვეს მაშენებელთა, ესე იქმნა თავ კიდეთა, უფლისა მიერ იყო ესე და არს საკვრველ წინაშე თუალთა ჩუენტა.

ტროპარი ჳმაჲ დ.

საკვრველება, რომელი ქმენ, უფალო, წმიდისა შენისა შორის კეთილმსახურისა მეფისა დავითისა, ზემთა აღკდების გონებასა სიტყვ მოქმედთასა რამეთუ ადიდე იგი სახელისათვის შენისა, ვიდრე დაჯსნამდე სარკინოზთა ბრწყინვალეთა მიერ ძლევათა ყოველად საკვრველთა, ხოლო შემდგომად დაჯსნისა სარკინოზთასა დიდებულ ჰყავ ნიშთა მიერ საკვრველთა, რომლისა ოხითა მოეც სულთა ჩუენტა დიდი წყალობაჲ.

დიდებაჲ მამასა და ძესა და წმიდასა სულსა.

საკვრველება, რომელი ქმენ, უფალო, წმიდისა შენისა შორის კეთილმსახურისა მეფისა დავითისა, ზემთა აღკდების გონებასა სიტყვ მოქმედთასა რამეთუ ადიდე იგი სახელისათვის შენისა, ვიდრე დაჯსნამდე სარკინოზთა ბრწყინვალეთა მიერ ძლევათა ყოველად საკვრველთა, ხოლო შემდგომად დაჯსნისა სარკინოზთასა დიდებულ ჰყავ ნიშთა მიერ საკვრველთა, რომლისა ოხითა მოეც სულთა ჩუენტა დიდი წყალობაჲ.

აწდა მარადის და უკუნითი უკუნისამდე, ამინ

არასადა დავსდუმნეთ, ღვთისმშობელო, ძლიერებათა შენთა ქებად, უღირსნი ესე მონანი შენნი, რამეთუ არა თუმცა შენ გუფარევდი

ოხითა შენითა, ვინმცა სადა მიხსნა ჩვენ ესოდენტა ჭირთაგან, ანუ ვინმცა მიცვნა ჩვენ აქამომდე ფლობილად. არასადა განგეშორნეთ ჩვენ, დედუფალო კურთხეულო, რამეთუ შენ იხსნი სულთა ჩვენთა ყოველთაგან განსაცდელთა.

მკითხველმან: მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღვოცე უშჯულოებად ჩემი. უფროდს განმბანე მე უშჯულოებისა ჩემისაგან და ცოდვათა ჩემთაგან განმწმიდე მე. რამეთუ უშჯულოებად ჩემი მე უწყი, და ცოდვად ჩემი წინაშე ჩემსა არს მარადის. შენ მხოლოსა შეგცოდე და ბოროტი შენ წინაშე ვყავ; რადთა განჰმართლდე სიტყუათაგან შენთა და სძლო შჯასა შენსა. რამეთუ ესერა უშჯულოებათა შინა მიუდგა და ცოდვათა შინა მშვა მე დედამან ჩემმან. რამეთუ ესერა ჭემმარიტებად შეიყუარე, უჩინონი და დაფარულნი სიბრძნისა შენისანი გამომიციხადენ მე. მასხურო მე უსუპითა და განვწმიდნე მე, განმბანო მე და უფროდს თოვლისა განვსპეტაკნე. მასმინო მე გალობად და სიხარული, და იხარებდენ ძუალნი დამდაბლებულნი. გარე-მიაქციე პირი შენი ცოდვათა ჩემთაგან და ყოველნი უშჯულოებანი ჩემნი აღვოცენ. გული წმიდად დაჰბადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ მიმიღებ ჩემგან. მომეც მე სიხარული მაცხოვარებისა შენისად და სულითა მთავრობისადათა დამამტკიცე მე. ვასწავლნე უშჯულოთა გზანი შენნი და უღმრთონი შენდა მოიქცენ. მივსენ მე სისხლთაგან, ღმერთო, ღმერთო ცხორებისა ჩემისაო; იხარებდეს ენად ჩემი სიმართლესა შენსა. უფალო, ბაგენი ჩემნი აღახუნე, და პირი ჩემი უთხრობდეს ქებულებასა შენსა. რამეთუ უკუეთუმცა გენება, მსხუერპლი შე-მცა-მეწირა; არამედ საკუერთხი არა გთნდეს. მსხუერპლი ღმრთისა არს სული შემუსრვილი, გული შემუსრვილი და დამდაბლებული ღმერთმან არა შეურაცხყოს. კეთილი უყავ, უფალო, ნებითა შენითა სიონსა და აღეშენენ ზღუდენი იერუსალემისანი. მაშინ გთნდეს მსხუერპლი

სიმართლისად, შესაწირავი და ყოვლად-დასაწუელი; მაშინ შეწირნენ საკურთხეველსა შენსა ზედა ზუარაკნი.

უგალობდითსა

ძლისპირი: ღელვათა დაანთქა პირველად ფარაო ეტლებითურთ და აღჭურვილით ძლიერად სპარაზენით სიტყუამან მამისამან, რომელი განჯორციელდა ჩუენ ცოდვილთათჳს, რომელსა უგალობთ: უფალო, დიდებულო, დიდებულ ხარ.

წმიდაო კეთილმსახურო მეფეო დავით, ევედრე ღმერთსა ჩუენტჳს.

გავალაკი ქმნილი სიბრძნისა მიერ თჳსად დასდევ პალატსა შინა ყოვლადგანწმედილსა, მეფეო, გულსა შენსა წმიდასა და შეცულ-ყავ ძლიერთაგან მრავალთა მიდმოებათა, მოძრავობათა წმიდათა გონებისადთა.

წმიდაო კეთილმსახურო მეფეო დავით, ევედრე ღმერთსა ჩუენტჳს.

უხარის სიბრძნისმოყუარეთა, დავით, სიბრძნისა მომართ შენისა, რამეთუ შეიწყნარე შენ ცხედარი სიბრძნისაა სარწმუნოებით შენ შორის უქცეველად, რომლითა, ნეტარო, გაქუნდა მართებულად სიბრძნე ყოველსა შინა.

დიდებაჲ მამასა და ძესა და წმიდასა სულსა.

ლიბანით მოსრულისა სძლისა თჳსებაჲ, სანატრელოდ რწყული წყლითა კეთილმსახურებისადთა უფროდსად აღზარდე ნაძუთა ლიბანისათა, საჩინოდ ყოველთა და კეთილთა საქმეთა ბაბილოთა მიერ შეხუეულ ჰყავ, დავით.

აწ და მარადის და უკუნითი უკუნისამდე, ამინ.

აკა, სძალმან სულისა წმიდისამან მოისთლო მური და ნელსაცხებელი და დამოსწუეთს თითთაგან მური მოკუდავთა ზედა,

ცხოველყოფად, ხოლო ნელსაცხებელი განჯდად - სუნმყრალობასა ცოდვათასა.

განძლიერდასა

ძლისპირი: აღყუავილნა შროშნის სახედ მოსლვითა შენითა, ქრისტე, რომელ არს ბერწი, - წარმართთა ეკლესიაჲ და იქმნა იგი შვილმრავალ, რომელსა შინა განაძლიერენ გულნი ჩუენნი.

წმიდაო კეთილმსახურო მეფეო დავით, ევედრე ღმერთსა ჩუენთვის.

ველნი და მთანი საქართველოდსანი და კიდენი მდინარეთანი უცხოთაგან ნათესავთა განსწმიდენ, დავით, და ერსა რჩეულსა შესლვად გზა-ეც სხუამან ისუ, მომღუარმან მხედართამან.

წმიდაო კეთილმსახურო მეფეო დავით, ევედრე ღმერთსა ჩუენთვის.

საისრეთა და კაპარჭთა კეთილმსახურებისათა შთასხენ კეთილთა საქმეთა ისარნი რჩეულნი და გარდამცემელმან მშულდსა სიბრძნისასა განგმირე თავნი მზაკუართანი.

დიდებაჲ მამასა და ძესა და წმიდასა სულსა.

ვალაამისგან წინათქმულმან განგანათლა ვარსკულავმან იაკობისმან, დავით, ხოლო მომღებელმან ნათლისა მის ჩუენ, ბნელსა მსხდომარენი, განმანათლენ სხვთა ხატითა მოციქულებრივითა.

აწ და მარადის და უკუნითი უკუნისამდე, ამინ.

იერობოამ, დამბანაკებელმან წყაროისა არადისსა, უბრძანა აღწბა წყლისა მისგან, ნიშნად სიმკნისა, გარნა უმკნესმან დავით, წყაროდსაგან შეწევნისა შენისა, ღმრთისმშობელო.

მიხსნენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი შემდგომად ღმრთისა შენდა მოვივლტით, ვითარცა უძლეველისა ზღუდისა და შუამდგომელისა.

მოიხილე ჩუენ ზედა, ყოვლადქებულო ღმრთისმშობელო, და ხორცთა ჩუენთა წყლულებანი ბოროტნი განკურნენ და სულისა ჩუენისა სნეულებანი. (*მრჩობლი კუერექსი*).

წარდგომაჲ. ჳმაჲ ა

ანგელოზთა მწყობრთა თანა განწესებულებ ანგელოზებრისა მსახურებისა ჳორცთა შინა მოგებითა, დავით, რამეთუ გონებაჲ წმიდაჲ და გულისსიტყუაჲ ყოვლადუბიწოდ მიაართუ ღმერთსა, ხოლო მიივლინეცა არაწმიდათა ზედა აღსპობად ანგელოზთაებრ, რომელთა თანა იხარებ და განსცხრები მოუკლებელად.

მესმასა

ძლისპირი: მთისაგან უკელოდ ლოდი გამოეკუეთე, ქრისტე ქალწულისაგან დედისა, ამისთჳსცა წინადწარმეტყუელმან გიხილა, ღაღატ-ყო: ჳსნად ერისა შენისა მოხუედ, დიდებაი ძალსა შენსა, უფალო.

წმიდაო კეთილმსახურო მეფეო დავით, ევედრე ღმერთსა ჩუენტჳს.

ქალაქსა არილსა ებრძოლე სიბრძნით, დავით, სადა-იგი მკჳდრობდეს იებოსელნი უნივთონი, ხოლო ჳორცითა მგრძნობითა სძლე ძალისა მიერ დასასრულადმდე, დიდებულო.

წმიდაო კეთილმსახურო მეფეო დავით, ევედრე ღმერთსა ჩუენტჳს.

მოაბს თანა ოდესმე მჳამელთა ხუარბლისათა ქართველთა მოიღეს რად ნაცუალ და იატაკება, რომლისა, გარნა შენ მიერ, დავით, აზნაურებაჲ ორთავე ვნებათაგან, ღირსად საკჳრველო.

დიდებაჲ მამასა და ძესა და წმიდასა სულსა.

დიდ არს და ყოვლად უცხო, დავით, მადლნი შენშორისნი, რომელნი დადვნა სულმან ყოვლისა მპყრობელმან მეფობაჲ სიბრძნისმოყუარს და მკედრობაჲ სიტყვსმოქმედი არსთა მიმართ უგამოცდილესი.

აწ და მარადის და უკუნითი უკუნისამდე, ამინ.

ახალშენ იქმნა შენ შორის რომელ მთიებისა შვა, ღმრთისმშობელო, უწინარეს მამამან ყოვლადდაუსაზამომან და მის მიერ დაამტკიცნა ცანი და თვნიერ მისა არცა ერთი რათ იქმნა მამისა მიერ.

ღამითგანსა

ძლისპირი: დამცხნელი ბნელისაჲ მის წესთა მათ წერილისა პირველისა შჯულისათა და მომცემელი მორწმუნეთა მადლთა მისთა, ქალწულისაგან იშვა ქრისტე და მიმიძლუა ჩუენ ნათლად ღმრთეებისა თვისისა.

წმიდაო კეთილმსახურო მეფეო დავით, ევედრე ღმერთსა ჩუენტვს.

არსთა აგებულება შეარებულმან, დავით, მათ შორის განმსჯელმან მათმან საზღუარსა და წარწერასა შორის შემოყვანილ-ყავ თვნიერ წმასნისა შედგომითა მეთევზურთა ჭუმმარიტებისათა.

წმიდაო კეთილმსახურო მეფეო დავით, ევედრე ღმერთსა ჩუენტვს.

იტყოდა ბრძენი ვინმე ჩემდა ოდესმე ბრძენთა მიერ ქმნილსა იგავსა: ნეტარ-არსო ერი სიბრძნის-მოყუარისა მეფისაჲ, რომლითა, დავით, ინეტარებს ერი შენი.

დიდებაჲ მამასა და ძესა და წმიდასა სულსა.

თქმულთა შენთა, მეფეო, განსწავლნენ დოგმატთა წმიდათა გონებანი უმტკიცონი, ხოლო მგლოვარებისაგა მოძღუარ ექმნეს მრავალთა კანონნი გალობათა შენტანი.

აწ და მარადის და უკუნითი უკუნისამდე, ამინ.

ვისწავე საიდუმლოა შობისა შენისაა, ქალწულო, დატევნისაებრ თქმულისაგან დავითისა, რომელი მალალთა მიერ თქმათა წარმოთქვა, ვითარ იგი ათქუმიან სულმან სიბრძნისამან.

ღაღადყავსა

ძლისპირი: ღმრთისა მიმართ ვღაღადებთ მწუხარებით ყოველნი, ვითარცა-იგი იონა წინაისწარმეტყუელი: აღმომიყვანენ ჩუენ ღელვათაგან განმხრწნელთა, მხოლოო სახიერო, გევედრებით.

წმიდაო კეთილმსახურო მეფეო დავით, ევედრე ღმერთსა ჩუენტვს.

იმკობის დღეს კრებული მეფეთა და მართალთა და მწყემსთა, დავით, რამეთუ სამთავროსა თვთმფლობელისა გონებისასა მორჩილ-ყვენ გრძნობანი და სკიპტრათ მეფობისათ განამტკიცე კეთილმსახურებისა მიერ მტკიცისა.

დიდებაჲ მამასა და ძესა და წმიდასა სულსა.

რაჟამს შენდა ვლამოდი, დავით, ძნობად გალობათა მიერ, ხოლო განცდისმოქმედიცა არა უპატივობით, არამედ უსარწმუნოეს ყოფად დიდისა მიერ ნიშისა იდიდე ჩემდა.

აწ და მარადის და უკუნითი უკუნისამდე, ამინ.

მუცლად-ღება უმამაკაცოდსა დედისა და შობად, სძალო, უხრწნელად, ხოლო მაწოვნებლობად ქალწულებით ვის ესმა, რომელი მოგემადლა ღმრთისა მიერ.

მიხსნენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი შემდგომად ღმრთისა შენდა მოვივლტით, ვითარცა უძლეველისა ზღუდისა და შუამდგომელისა.

მოიხილე ჩუენ ზედა, ყოვლადქებულო ღმრთისმშობელო, და ხორცთა ჩუენთა წყლულებანი ბოროტნი განკურნენ და სულისა ჩუენისა სნეულებანი. (მცირე კუერექსი).

კონდაკი. ჳმაჲ ვ

მგალობელთა: სასოო და შესავედრებელო ქრისტეანეთაო ურცხვენელო, და შუამდგომელო დამზადებელისა მიმართ, მითვალულო და შეწყნარებულო, ნუ უგულებელყოფ ხმასა ცოდვლთა ვედრებისასა, არამედ ისწრაფე შეწევნად ჩუენდა, ვითარცა სახიერ ხარ და რომელნი ესე სარწმუნოებით გილაღადებთ, მხოლოო კურთხეულო და მოსწრაფე იქმენ ვედრებად და განმზადებულ მეოხებად და ღმობიერ ხელის აღმპყრობელ, რომელი ეგე მარადის იღვწი პატივისმცემელთა შენთათვს, ღმრთისმშობელო.

დიაკონმან: სიბრძნით, მოხედეთ.

მღდელმან: მშჯდობაჲ ყოველთა.

მგალობელთა: სულისაგა შენისა თანა.

დიაკონმან: წარდგომაჲ ფსალმუნი დავითისი:

და აღვამაღლო რჩეული ერისაგან ჩემისა.

მუხლი: ამისთვს გცხო შენ ღმერთმან, ღმერთმან შენმან საცხებელი სიხარულისაჲ.

(გუნდი სათანადო წესით იმეორებს წარდგომას)

დიაკონმან: უფლისა მიმართ ვილოცოთ.

მგალობელთა: უფალო, შეგზწყალენ.

მღდელმან: რამეთუ წმიდა ხარ შენ, ღმერთო ჩუენო, და რომელი წმიდათა შორის განისუენებ შენდა დიდებასა აღვავლენთ, მამისა და ძისა და წმიდისა სულისა აწ და მარადის და უკუნითი უკუნისამდე.

მგალობელთა: ამინ.

დიაკონმან: ყოველი სული აქებდით უფალსა.

მუხლი: აქებდით ღმერთსა წმიდათა შორის მისთა, აქებდით მას სამყაროთა ძალითა მისისადათა.

(გუნდი სათანადო წესით იმეორებს წარდგომას)

დიაკონმან: ღირს ყოფად ჩუენდა სმენად წმიდისა სახარებისა უფალსა ღმერთსა ჩუენსა ვევედრნეთ.

მგალობელთა: უფალო შეგზწყალენ (3 - გზის).

დიაკონმან: სიბრძნით, აღემართენით და ისმინეთ წმიდა სახარება.

მღდელმან: მშვედობად ყოველთა.

მგალობელთა: და სულისაგა შენისათანა.

დიაკონმან: იოანწსაგან წმიდისა სახარებისა საკითხავი.

მგალობელთა: დიდებად შენდა, უფალო, დიდებად შენდა.

დიაკონმან: მოხედეთ.

მღდელი: - *(კითხულობს სახარებას).*

სახარება იოანესი

ჰრქუა უფალმან მოსრულთა მათ მისა მიმართ ჰურიათა: ამენ, ამენ გეტყვ თქუენ: რომელი არა შევალს კარით ეზოსა ცხოვართასა, არამედ სხვთ კერძო შევალს, იგი მპარავი არს და ავაზაკი. ხოლო რომელი შევალს კარით, მწყემსი არს ცხოვართად. ამას მეკარემანცა განუღის, და ცხოვართა ჳმისა მისისად ისმინიან, და თვსთა ცხოვართა უწესნ სახელით და განიყვანნის იგინი. და ოდეს თვსნი იგი ყოველნი განიყვანნის, წინაშე მათსა ვიდოდის, და შეუდგენ მას ცხოვარნი იგი, რამეთუ იციან ჳმად მისი. ხოლო უცხოსა არა შეუდგენ, არამედ ივლტოდინან მისგან, რამეთუ არა იციან ჳმად უცხოდად მის. ამას იგავსა ეტყოდა მათ იესუ, და მათ არა გულისჳმა-ყვეს, რასა-იგი ეტყოდა მათ. ხოლო იესუ მერმეცა ჰრქუა მათ: ამენ, ამენ გეტყვ თქუენ: მე ვარ კარი ცხოვართად. ყოველნი, რომელნი ჩემსა პირველად მოვიდეს, მპარავნი იყვნეს და ავაზაკნი, არამედ არა ისმინეს მათი ცხოვართა. მე ვარ კარი: ჩემ მიერ თუ ვინმე შევიდეს, ცხონდეს; შევიდეს და გამოვიდეს და სამოვარი პოვოს.

მგალობელთა: დიდებად შენდა უფალო, დიდებად შენდა.

მკითხველმან: დიდებად მამასა და ძესა და წმიდასა სულსა.

მეოხებითა წმიდისა კეთილმსახურისა მეფისა ჩუენისა დავითისადათა, მოწყალეო, აღხოცენ ცოდვათა ჩუენტა სიმრავლენი.

აწდა მარადის და უკუნითი უკუნისამდე, ამინ.

მეოხებითა ღმრთისმშობელისადათა, მოწყალეო, აღხოცენ ცოდვათა ჩუენტა სიმრავლენი.

მიწყალე მე, ღმერთო, დადითა წყალობითა შენითა და მრავლითა მოწყალებითა შენითა აღხოცე უშჯულოებად ჩემი და შემიწყალე მე, ღმერთო.

და ზედა ესე:

რომელმან ცისა სამყაროებრ შეამკვევ სიმგრგულე სულისა შენისა ვარსკულავთა მიერ დაუვალთა კეთილთა საქმეთა, დავით მნათობო სოფლისაო, სიმტკიცეო ეკლესიისაო, მეოხ-მეყავ შემსხმელთა შენთა. (ლოცვა მღდლისა მიერ სათქუმელი)

კურთხეულარსა

მლისპირი: მაყუალი მოტყინარწ და საჯუმილი ქალდეველთა მათ, შეცურეული, ჭეშმარიტად მოგასწავა შენ, ღმრთისმშობელო, რამეთუ შეიწყნარე ცეცხლი ღმრთეებისაჲ საშოსა შენსა უვნებელად, რომელსა უღაღადებთ და ვიტყვთ: კურთხეულ ხარ შენ, უფალო ღმერთო მამათა ჩუენთაო.

წმიდაო კეთილმსახურო მეფეო დავით, ევედრე ღმერთსა ჩუენტვს.

ელისე ოდესმე ბრანგულთა მიუყარნა რისხვით განბძარვად ყრმანი ბეთელისანი ღირსად, ვითარ მგალობელნი წინაჲსწარმეტყუელისა უფლისანი, ხოლო აქა დავით მისცნა მახვლსა ღირსად ყრმანი და ჩვლნი და დედაწულნი უცხოთესლთანი, ვითარცა მბოროტებელთა და მტყუევნელთა ერისა უფლისა თანა.

წმიდაო კეთილმსახურო მეფეო დავით, ევედრე ღმერთსა ჩუენტვს.

დიდმან პირველ სამოელ მეტყუელმან მეფისა საულისამან აგაგისტვს მეფისა ამალეკისა ყრმებითურთ აღსპოლვა, რომლისა არაქმნითა განიპო მეფობა მისი, ვინა დავით უცხოთა ნათესავნი არა შეიწყალნა ჩვლნი საღმრთოდთა მოშურნეობითა.

დიდებაჲ მამასა და ძესა და წმიდასა სულსა.

ორხატსახილველობა და უგანცხადებულეს მრავალგუარობა მადლთა შენ შორისებულთა განაკვრვებს გონებასა, დავით, რამეთუ ვითარცა მძლწ მტერთა ქრისტწს შენისათა და ვითარ სიტყუათა შინა

მაღალ და მგლოვარებასა შინა საღმრთოსა უგამოცდილეს
სიბრძნისმოყუარე გამოსჩნდი მრავალმსაჯული ერისა რჩეულისა.

აწ და მარადის და უკუნითი უკუნისამდე, ამინ.

ველსა პირველ დეირისა აღზებულმან საჯუმელმან მძაფრმან,
საღმრთოდთა განგებითა მიუახლებელმან შეწუვად ჯორცთა ყრმათა
უბიწოთამან, გამოსახა ხატი უბიწოისა ქალწულებისა შენისად,
რამეთუ ცეცხლმან ღმრთეებისამან დაიცვა იგი შეუწველად
მოსლვითა ცუარისა სულისა წმიდისაითა, ღმრთისა სძალო.

აკურთხევდითსა

სძლისპირი: საჯუმელი იგი ცეცხლისად ბაბილონს პირველად
განიზოგა ღმრთისა მიერ, რამეთუ ქალდეველნი აღისა მისისაგან
შეიწუხეს, ხოლო ყრმანი შეცურეულნი იტყოდეს: აკურთხევდით
ყოველნი საქმენი უფლისანი უფალსა.

წმიდაო კეთილმსახურო მეფეო დავით, ევედრე ღმერთსა ჩუენთვის.

ლამობდეს დავით, ცრუმჯულისმდებელობით ძისწულრი ბილწნი
აგარისანი, რადთა სამეფოდ შენი, ერი წმიდად სამღდელოდ ერად
ზნელისა გამოაჩინნეს, გარნა მაღალმან შენ მიერ ცუდ-ყო განზრახვად
მათი.

წმიდაო კეთილმსახურო მეფეო დავით, ევედრე ღმერთსა ჩუენთვის.

დასდეგ საჯუმელსა და განისუენებ სიბრძნით ხილვად და სმენად
შენდა ბრძანებულისა, ხოლო ტალანტთა, ბრძენო, არა დაფლვიდი
ქუეყანასა, არამედ განამრავლებდ, რომლისათვისცა შეხუედ
სიხარულსა უფლისა შენისასა.

დიდებად მამასა და ძესა და წმიდასა სულსა.

სკიპტრად ყოვლადწმიდად თვთმპყრობელობისაჲ წახნაგებულად ქუათაგან წმიდათა კეთილმსახურებისა და კეთილთა საქმეთასა შეამკევ და ესრეთ ერსა შენსა სჯიდი, დავით, მარად მართალი უფლისა მიმართ.

აწ და მარადის და უკუნითი უკუნისამდე, ამინ.

რომელმან სიტყუათ სიტყვთა, ქალწულო, მთავარანგელოზისათა შეიწყნარე და კაცი უსიტყუებისა ვნებათა მძვნვარეთაგან იკსენ, ჩემიცა უსიტყურნი ჩუეულებანი დაკსენ და ბუნებითითა მსგავსებითა ძისა შენისაჲთა განამდიდრე.

ადიდებდითსა

ძლისპირი: რომელმან ჰშევ მთიები მზისა უწინარწსი, ღმერთი ჯორციელ-ქმნული მოსრული ჩუენდა საშოისა შენისაგან, ჯორციელად გამოგზჩნდა გამოუთქმელად სიმდაბლით, ამისთვსცა, ღმრთისმშობელო, სამართლად გადიდებთ შენ.

წმიდაო კეთილმსახურო მეფეო დავით, ევედრე ღმერთსა ჩუენტვს.

უცხოთა მიერ და სხუათა წყობილებითა სიტყუათაჲთა საკრველებაი შენი შესხმულ არს მრავლით ჟამით, დავით, მკნეო, დაღათუ ჰშვენოდა, რაჲთა სიტყუათაგან შენთა შესხმულ იქმნენ, უპირატეს სიტყუათა შენთა.

წმიდაო კეთილმსახურო მეფეო დავით, ევედრე ღმერთსა ჩუენტვს.

ლალთა და კადნიერთა არასადა უმს ადგილი შენ თანა, რომლისათვსცა ნუ იქმნების ჩემდა კადნიერებად თქმანი ესე, მიითუალე, ვითარცა მშობელმან და პირველ მამამან, ძისაგან ბრგვლმომზრახისა სიტყუანი, სანატრელო.

დიდებაჲ მამასა და ძესა და წმიდასა სულსა.

აღმასრულებელი ყოვლადბრწყინვალისა ჯსენებისა შენისანი, დავით, ოხათა შენთა მადლთა მცხინვარებითა ცისკროვან-მყვენ ცნობითა და გონებითა, წმიდაო, და შეიწირენ ჩემნი შესხმითნი სიტყუანი, ყოვლადდიდებულო.

აწ და მარადის და უკუნითი უკუნისამდე, ამინ.

რომელმან ჰშევ შარავანდედი მზისა ღმერთმთავრისა, რომელი მზემან - ღმერთმან უწინარეს მნათობთა შესაქმისა გამოაბრწყინვა, სძალო, განუკერძოებელად, მისდა ოხად ნუ დასცხრები საკუთრად ღმრთისმშობელად აღმსარებელთა შენთა.

მგალობელთა: ღირს არს ჭეშმარიტად, რაითა გადიდებდეთ შენ, ღმრთისმშობელო, რომელი მარადის სანატრელ იქმენ, ყოვლად უბიწოდ და დედად ღმრთისა ჩუენისა. უპატიოსნესსა ქერუბინთასა, და აღმატებით უზეშთაესსა სერაფიმთასა, განუხრწნელად მშობელსა - სიტყვსა ღმრთისასა, მხოლოსა ღმრთისმშობელსა გალობით ვადიდებდეთ.

მკითხველმან: სახლი მეფობისა ქართველთასა განბრწყინდების შენ მიერ, დავით, რამეთუ აქუ შენ შუამდგომელად ღმრთისა მიმართ და მცველად ყოვლისაგან ჭირისა.

სახლისა ღმრთისა შუენიერებად შეიყუარე, დავით, რომლითა დადგრომადი მეფობა პოვე ქალაქსა შინა ზეცისათა და სახლსა წულთა თანა ზესთა ღმრთისა აბრაამისათა განსცხრები საუკუნოდ.

სახლმან საწინაღწარმეტყუელომან გაწარმოვა შენ, რომლითა თჯსებად უფლისა წინაღწარმეტყუელთადასა მოიგე, დავით, რომლისა მიმართ მეოხ-მეყავ შემსხმელთა შენთა.

თვთმპყრობელობისა სკიპტრად, დიდებულო, შეამკვე უსასყიდლოთა მიერ საღმრთოთა სათნოებათა და გვრგვნი უსასყიდლოდ ჰყავ ქუათაგან წმიდათა და ჳრმალი მკუეთი სიმჳნისაა შეირტყ

აღლესილი ქრისტეს მიერ სარწმუნოებითა და გამოსჩნდი, დავით, მეორედ არასადა მიმდრევი შჯულისაგან უფლისა.

წმიდაო ღმერთო, წმიდაო ძლიერო, წმიდაო უკუდაო, შეგვწყალებ ჩუენ (3-გზის).

დიდებაჲ მამასა და ძესა და წმიდასა სულსა აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვწყალებ ჩუენ; უფალო, გვკსნენ და გვლხინე ცოდვათა ჩუენტაგან; მეუფეო, შეგვნდვენ უსჯულოებანი ჩუენნი; წმიდაო, მოიხილე და განკურნენ უძლურებანი ჩუენნი სახელისა შენისათჳს.

უფალო, შეგვწყალებ (3-გზის).

დიდებაჲ, აწდა.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევაჲ შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისაჲ მომეც ჩუენ დღეს და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენტა და ნუ შემიყვანებ ჩუენ განსაცდელსა, არამედ მიკსნენ ჩუენ ბოროტისაგან, ამინ.

მღდელმან: რამეთუ შენი არს სუფევაჲ, ძალი და დიდებაჲ აწ და მარადის და უკუნითი უკუნისამდე.

მგალობელთა: ამინ.

მკითხველმან: მიწყალებ ჩუენ, უფალო, შეგვწყალებ ჩუენ, რამეთუ ყოვლისავე სიტყვს-მიცემისაგან უღონო ვართ, გარნა ამას ვედრებასა შენ, მეუფისა სახიერისა, ცოდვილნი ესე შევსწირავთ მიწყალებ ჩუენ, უფალო, შეგვწყალებ ჩუენ.

დიდებად მამასა და ძესა და წმიდასა სულსა.

უფალო, შეგვწყალებ ჩუენ, რამეთუ შენ გესავთ, ნუ განმირისხდები ჩუენ ფრიად და ნუცა მოიხსენებ უშჯულოებათა ჩუენტა, არამედ მოიხილე ჩუენ ზედა წყალობით, ვითარცა სახიერ ხარ და მიხსნენ ჩუენ სამართლად რისხვსაგან შენისა, რამეთუ შენ ხარ ღმერთი ჩუენი და ჩუენ ვართ ერნი შენნი, ყოველნივე ქმნულნი ხელთა შენთანი ვართ და სახელი შენი წოდებულ არს ჩუენ ზედა და შეგვწყალებ ჩუენ.

აწდა მარადის და უკუნითი უკუნისამდე, ამინ

მოწყალების კარი განგვლე, კურთხეულო ღმრთისმშობელო, რადთა რომელნი-ესე შენ გესავთ, არა დავეცნეთ, არამედ განვერნეთ წინააღმდეგომთა მტერთაგან, რამეთუ შენ ხარ ცხორება ნათესავისა ქრისტეანეთასა.

(მცირე (მრჩობლი) კვერექსი)

დიაკონმან: მუხლმოდრეკით უფლისა მიმართ ვილოცოთ.

მგალობელთა: უფალო შეგვწყალებ.

ლოცვა მუკლმოდრეკით სათქუმელი

ჰოდა ყოვლადდიდებულო მეფეო დავით, სუეტო კეთილ-მსახურებისა საიდუმლოდსაო, რომელი გამოსჩნდი მხედარ ქრისტჳსა ყოვლად-უძლეველ, განმარგლე ყანობირი ეკალთაგან და კუროს-თავთა, რომელი მოიყიდა სისჯლითა თვსითა მეუფემან უკუდავმან, აღაშენენ დათხრილნი ზღუდენი სიონისანი და განაახლენ დაცუად საღმრთოთა ბრძანაბათა, სჯიდი, ვითარცა მეფე ქრისტჳს-მოყუარედ, ჰსძლევ მტერთა, ვითარცა რჩეული მხედარი ქრისტჳსი, ხოლო მგლოვარებდ საღმრთოდ, არათუ ვითარცა მეფედ ჭაბუკი, არამედ,

ვითარცა უდაბნოს-მოყუარე, ქრისტესა ევედრე გარდამოვლინებად ჩუენდა მშვიდობაჲ და დიდი წყალობაჲ.

ჰოი, ყოვლად დიდებულო და კეთილმსახურო მეფეო დავით, ბრწყინვალეებითა ელვარებისა სიწმიდისა შენისაითა განაბრწყინვე ღმრთივდაცული ერი ჩუენი, ყოვლად განათლებულითა ლოცვთა შენითა განანათლე უწმიდესი და უნეტარესი, სრულიად საქართველოს კათოლიკოს-პატრიარქი და მცხეთა-თბილისის მთავარეპისკოპოსია დიდი მეუფეჲ, მამაჲ ჩუენი ილია, ყოვლადსამღდელონი მთავარეპისკოპოსნი და ეპისკოპოსნი და ყოველნი სამღდელონი და სამონაზუნონი მწყობრნი, მრავალშემძლებელითა ძალითა შენითა განაძლიერენ ქრისტესმოყუარენი და სამკედრო განწესებაჲ და ყოველნი მართლმადიდებელნი ქრისტეანენი, მოსახელენი და მვედრებელნი შენნი ადიდე; ევედრე წმიდაო და და ყოვლადდიდებულო მეფეო, შენგან შეყუარებულსა ტკბილსა იესუს, რაითა მოგუანიჰოს მადლი და წყალობაჲ თვისი აურაცხელი;

ჰოი, ყოვლადქებულო და ყოვლადდიდებულო მეფეო, მრავლისშემძლებელითა ლოცვთა შენითა განათავისუფლენ ტყუენი, განჰკურნენ უძლურნი, გამოიკსნენ განსაცდელსა შინა მყოფნი, განარინენ ზღუასა შინა მავალნი, მოაქციენ ცოდვილნი და შეაწყნარენი ქრისტესა ღმერთსა ყოველთა შემწყნარებელსა და ყოველნი მადიდებელნი წმიდისა სახელისა შენისანი ადიდენ და აღამალლენ სულითა და ჯორცითა, რადთა სასუფეველისა დიდებასა და დიდად შუენიერსა ბრწყინვალეებასა ღმრთისასა ღირსვიქმნნეთ ყოველნი. ანგელოზთა თანა უგალობდეთ, წმიდათა თანა ვადიდებდეთ და შენ თანა გვრგვნოსანნი ვაკურხევდეთ შენსა გვრგვნოსანმყოფელსა მამასა, შენსა განმაძლიერებელსა ძესა და შენ შორის მეტყუელსა სულსა წმიდასა, რომელსა შუენის ყოველი დიდებაჲ, პატივი და თაყუანისცემაჲ, აწ და მარადის და უკუნითი უკუნისამდე.

მგალობელთა: ამინ.

დიაკონმან: ყოვლადწმიდაო ღმრთისმშობელო, გუაცხოვნენ ჩუენ.

მგალობელთა: უპატოსნესსა ქერუბინთასა და აღმატებით
უზეშთაესსა სერაფიმთასა, განუხრწნელად მშობელსა სიტყვსა
ღმრთისასა, მხოლოსა ღმრთისმშობელსა გალობით ვადიდებდეთ.

მღდელმან: დიდებაჲ შენდა, ღმერთო ჩუენო, დიდებაჲ შენდა.

მგალობელთა: დიდებაჲ მამასა და ძესა და წმიდასა სულსა აწ და
მარადის და უკუნითი უკუნისამდე, ამინ.

უფალო შეგჳწყალენ (3-გ ზის).

სახელითა უფლისაჲთა, გუაკურთხენ.

მღდელმან: ქრისტემან, ჭეშმარიტმან ღმერთმან ჩუენმან, მეოხებითა
ყოვლადწმიდისა დედისა თჳსისაჲთა, ღირსთა და
ღმერთშემოსილთა მამათა ჩუენთაჲთა და ყოველთა წმიდათაჲთა
შეგჳწყალნეს და გვაცხოვნნეს ჩუენ, ვითარცა სახიერ არს და
კაცთმოყუარე.

მგალობელთა: ამინ. უფალო შეგჳწყალენ (3-გ ზის).

